

NAMIBIA SENIOR SECONDARY CERTIFICATE

FIRST LANGUAGE OSHINDONGA ORDINARY LEVEL 4106/3

PAPER 3 Literature

2 hours

Marks 60

2020

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**. Of the three answers, **one** must be an essay.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

OMALOMBWELO NOMAUYELELE KAALONGWA

- Nyola omayamukulo goye mEmbo lyOmayamukulo ndyoka wa pewa.
- Nyola Onomola yOsenda, Onomola yEkonakono nEdhina lyoye kEmbo lyoye lyOmayamukulo.
- Nyola nopena ombulau nenge onduudhe.
- Ino longitha okadhimitho komeya.
- Yamukula omapulo **gatatu**, **limwe** okuza mEtendo lyaA **lyUutewo**, **ekwawo** okuza mEtendo lyaB **lyOoprosa nekwawo** otali zi mEtendo lyaC **lyOodrama**. Epulo **limwe** lyomwaangono gatatu nali kale ekwakuhololwa.
- Kotokela esipelo lyiitya, elongithonawa lyiileshitho netungo lyomatumbulo.
- Omwaalu gwiitsa ogwa gandjwa miikondekithombine [] konima yepulo kehe nenge yoshitopolwa shepulo.

This document consists of **9** printed pages **3** blank pages.



Republic of Namibia

MINISTRY OF EDUCATION, ARTS AND CULTURE

ETENDO A: UUTEWO

Metendo muka hogolola mo epulo **limwe** alike.

- 1** Lesha okatewo haka ka za mu**Mombago yOmukongo** ku**Hans Daniel Namuhuja**, e to yamukula omapulo agehe.

Ekumagidho

Akwetu ne yuupongo
Piteni muye melongo
Mimvo dheni odha pwa ko
Indeni ihe kiilonga
Ka kondjeni kuumbeni
Ngaashi tashi vulika.

Omwa tegelewa kaantu
KUukwambi nOngandjela
Ye li yaa wet' omuntu
Te ya kutha miihuna
Yomutondi te ya li
Inda ke ya yakule.

KAakolonkadhi oko hwii
Ka tidhe sigo Eunda
Pe na yamwe hwiya ye li
Taa hepekwa kiidhila
Yuukulu taa pula
Taa pampadhal' owala.

liti wa pewa yelaka
Etoye Iyevangeli
Nayo moshilongo inda
U yuge ko yakweni
Ka kwathe wilika
Ngaashi tashi vulika.

Okombuga nokEwale
Oonkuluwa dhOmuwa
Dhi li dha pwila muule
Kuulunde tadhi hepa
Thikama yi ithana
Ngaashi Omuwa ta ti.

Pamba oku li nangoye
Kehe tuu mpoka to yi
Jesus Kristus one naye
Ye Ndjayi omusindani
NaMbepo osho wo
Te ku wilike nawa.

Omuwa ngee to galuka
 Fala ye vul' omulongo
 Aanene naashona
 Muye nayo moshilongo
 Shaaluhe shaamuhe
 Mu ka tye Halleluya.

H.D.N

- (a) (i) Etumwalaka lyokatewo haka olyu ukilila oolye? [1]
 (ii) Omuteyi okwa hala aantu mbaka ya ninge shike nomolwashike to ti ngaaka? [2]
- (b) Oshike tashi ku hololele kutya omuteyi okwa lulilwa konkalo yaantu ya tumbulwa mokatewo? Gandja iitsa **iyali** e to gandja omatompelo. [4]
- (c) Okatewo hano oka holoka moshitopolwa shomutungilovi shini? Koleka eyamukulo lyoye. [2]
- (d) Omuteyi oku wete aantu mboka ya popiwa mokatewo ye na uukwatya wuni? Koleka eyamukulo lyoye niitsa **iyali**. [4]
- (e) Okatewo hano oke ku penduthile omaiuvo geni? Koleka eyamukulo lyoye niitsa **iyali**. [3]
- (f) Omuteyi okwa hala oku tu lombwela shike sho ta ti:
 (i) "Taa pampadhal' owala." [2]
 (ii) "Fala ye vul' omulongo." [2]
- [20]**

NENGE

- 2 Lesha okatewo taka landula ka za mu**Ndilimani Omutotiitewo** ku**Pendukeni Amunyela**, e to yamukula omapulo ga pulwa.

Omathimbo haga nayipala

Malupita ohashi ningwa ohaluka
Shaahe shi kupopilwa mutumba
Kuty' ev' inali shambekel' omvula
Milonga nuupanalonga wo dha mwena
Kuty' uukukutu wa lulu.

Tango Iya hanyekw' uudhigu
Niimeno ya lembele epupyu
Nyama ya nkundipala nokumunka
Nosho eyolelo ketayego
Lyoondhila dhokegulu ndho.

Thithiya muulehi dhe eguluka
Milonga noompanalonga dha kwata
Ihe mbal' enyanyu lyeteyo Iya kana
Kiikulundundu nokiituntu twa alaala
Twe endekel' ongowela yoondhila ndho.

Ngo tashi nawapala ihe sha nayipala
Nkee tatu palamenthana
Lwindji otwa zimi
Ihe yaye ngaa, okwaanombili
Nkee nomatati twa talathana.

Thinge ndjo yo opala ye ya
Ndjimboluhodhi yoondhila yu uvika
Nampongo e tu manguulula
Notwa tsey' onkalamwenyo ihe
Tedhatedho methimbo nethimbo.

- (a) Hokolola kutya omuteyi gwokatewo haka okwa hala oku tu lombwela shike kombinga yonkalo ya hololwa mokatewo haka.

Shi ninga niitya **125 – 150**.

[10]

- (b) Hokolola kutya omuteyi okwa longitha ngiini omudhingoloko, opo e tu yelithile kutya aantu oya taalelwa kuupyakadhi.

Shi ninga niitya **125 – 150**.

[10]

[20]

ETONDO B: OOPROSA

Metendo muka yamukula mo epulo **limwe** alike Iya kuthwa mu**Filemon Elifas** ku **H.D. Namuhuja** nenge **Yokomotunda ya theta** ku **H. Kangalange**.

- 3 Lesha okahokololo haka ka za mu**Filemon Elifas** ku **H.D. Namuhuja**, e to yamukula omapulo agehe taga ka pulwa.

Mesiku eti-25 Juni 1974, Omuministeli Omukuluntu, omukwaniilwa Shuumbwa okwa li a pulwa momutumba gwawo, a tye sha kombinga yomapupugunda nga taga zi mOwambo. Okwa thikama nokwa ti: “Omunashipundi omusimanekwa, onda thikama sho ndu uvite kutya, nangame wo ondi na okutya sha koshikundathanwa shi. Inandi thikama ndi na oohapu oonde, aawe. Onda hala owala okweendulula shoka nda popile ohela moradio. Oshoshili, ngame ondi uvite oluhodhi sho oyendji yoshigwana shandje taa taaguluka oongamba yaa na epitikilo. Inandi tseyo sho ya ka tala ho, naango e ya hiya ko kutya olye, kandi mu shi. Ondi uvitile aavali ohenda; unene mboka oyana ya taaguluka ya ye ho. Ondi uvitile wo aakiintu mbo ye li momategelelo ohenda.

“Ote zimine pamwe noshilyo shoka tashi ti iinima ayihe mpano oyi li nawa, kutya oondjambi oombwanawa, omanga wo epangelo li ipyakidhila nokutula po omahala gomainyanyudho. Kandi shi naanaa shoka sha halika kaagundjuka. Ote gwedha po owala shila kutya, aantu mbano tango egumbo olyo ya vunyagula, sho ya mono kutya ye shi ningi, oya fadhuka po ihe inaa laleka. Peha lyokupula ombili, omuntu a tya ngaaka oha yi inaa laleka mwene gwalyo. Mwene gwegumbo ngele okwa mono omupiya gwe a yi, nena oha landula omupiya, nuuna te mu adha, ote mu dhimine po note mu lombwele kee shi yelekele we. Sho nda mono ombepo mokati kaagundjuka onda dhimbulula kutya, ngiika oya ninga sha oshiwiniyi. Sha shoka ye wete kutya itaa vulu we oku shi opaleka, onke ya fadhuka po”.

“Ihe nando ongawo, uuna omuntu a dhimbulula omapuko ge e te ga opaleke, nena egeelo itali ka kala we edhigu. Ngashingeyi osha yela nawa kutya omataandeleko gufo noombapila dhaanamadhina, oyo ye dhi ninga.”

“Ngashingeyi ote popi ongOmuministeli omukuluntu gwOwambo, ihe sigo oompaka inandi mona ootu elaka tali zi momukunda tali ti: ‘Momukunda gwetu omwa zi aantu ye thike mpa; inandi taamba nando olapota ya tya nga. Onda shi uvu owala momapopyo gaantu ihe ngame inandi mona ehokololo lyasha. Ondi shi uvite owala kaantu yopondje.”

“Otandi indile oshigongi shika pu konakonwe shili nawa nopu kuthwe oonkatu dha dhiginina opo embombolokomo ndika li kwatwe moshipala. Aantu mbano oya fa ya hala kutya omapangelo galwe ga tale epangelo lyetu omeho omiinayi, oshoka.”

“Otaa ti oya thigi po oshilongo shawo molwaasho epangelo lyawo ewinayi. Otandi mu indile amuhe, iilyo iisimanekwa, tu kaleni kumwe tse tu tale shoka tatu vulu okuninga po, opo tu gamene mba ya thigala po yaa landule yakwawo. Tangi Omunashipundi omusimanekwa.”

Shuumbwa okwa popi shili ongOmuministeli omukuluntu gwEpangelo lyOwambo. Oku na ondjaalela noshigwana she. Oku na ohenda naana ya ya. Ihe oshike she ya fala? Shuumbwa wo osho a pula, oshoka ngiika ke shi shi tuu shili.

Omaipulo oga kala ga tsikila owala. Aaleli oya kala taa ipula shoka shi na okuningwa po. Walyewo shoka tashi ke etelelwa koyana aamati naakadhona mbo ya ya. Aasamane wo naakadhona inaa thigwa po ketembu ndika. Aantu oya kala taa yi, taa yi. Kapwa li ngo e wete ehulilo lyetembu ndi, shila Omuwa gwopombanda, Nakuuthaayihe, oye awike. Etembu ndino oya kala lya thindila omwenyo gwOmukwaniilwa Filemon Elifas pevi.

Okwa kala kee wete sho ta ningi.

Esiku limwe manga Omukwaniilwa Shuumbwa e li muuwa we, omwe ya ookuume ke yaali, ye ya oku mu talela po. Oya falwa poshinyanga shohungi mpoka ya kala sigo Omukwaniilwa e ya kuyo. Ayehe oya li ya nyanyukwa esiku ndyo, onkee oya tameke wo okukundathana etembu ndyo lyi itila oshilongo, lyo lya na ehulilo. Gumwe gwomookuume ke okwa pula Omukwaniilwa nokwa ti: “Tate, oshilongo oshi li po tashi pu. Aantu otaa yi kuAngola. Epangelo oya dhiladhila li ninge po ootu sha?”

“Eeno,” Omukwaniilwa ta yamukula. “Oonkambadhala dho dhene opo dhi li, ihe walyewo ngele otadhi ka tompola tuu sha.” “Opwa dhiladhilwa ando shike tate?” Kuume gumwe ta pula. “Otwa dhiladhila ooyene yomikunda ye ye ya lopote aantu mbo taa yi, nenge ya hala okuya, opo ya keelelwe okuya.”

“Otashi kwatha ngaa sha shono tate?”

“Otatu ningi ngiini? Aniwa ‘ihadhi yi inaadhi umbilwa?’ Otatu yelekele ngaa pamwe tashi kwatha sha. Onkambadhala yi vule okumwena?”

Esiku ndyoka omukwaniilwa Shuumbwa nookuume ke oya li ya kundathana oshindji. Moonkundathana dhawo Omukwaniilwa okwe shi holola kutya, ye mwene oshilonga shUuministeli ka li e shi hokwa unene. Omuntu ngaa a tulwa moshinima ye kee wete we nkene ta zi mo.

- (a) Omunyoli gwehokololo ndika okwe ku penduthile omaiyuvo geni kombinga ya-**Filemon Elifas** mokaleshwa haka? Shi ninga niitsa **iyali** e to gandja omatompelo. [4]
- (b) Oshike tashi ku hololele kutya Filemon Elifas okwa li e na ekwatathano ewanawa naantu ye mehokololo ndika. Shi koleka. [2]
- (c) Gandja omaupyakadhi **gaali** ga holoka mokambo haka nankene ga kandulwa po. [4]
- (d) Hokolola nkene omushangi a longitha onkalolupe mehokololo lya **Filemon Elifas**, opo e tu etele puyelele kutya Shuumbwa ka li omwiineekelwa. [10]
- Shi ninga niitya **125 – 150**. [10]
- [20]

NENGE

4 Yokomutunda ya theta ku H. Kangalange

liningwanima ya holoka mokambo haka oye ku uvitha nayi ngiini nomolwashike to tile ngaaka?

Shi ninga niitya **250 – 300**.

[20]

ETENDO C: OODRAMA

Metendo muka yamukula mo epulo **limwe** alike tali zi m**Okanona mondhikwa yemwanka** nenge mul**nga** ku**Angula T. Ndjembo**.

5 Lesha okatendo haka ka za mul**nga** ku **A.T. Ndjembo**, e to yamukula omapulo taga ka pulwa.

Nyanyukweni: Onda tumwa komusamane gwandje, ndi mu ilile ko oshimaliwa notyeke ye ndji. Okwa hala oku ka za po.

Ndeshimona: Akwetu iha kala ando u uka kuushimba, opo a pe ndje wo olefa?

Nyanyukweni: Kuushimba oko lela u uka. Ota yi kOvenduka. aniwa oye na ko oshigongi shuunangeshefa.

Ndeshimona: Kalunga kandje! Elago omuntu e li na. KOvenduka oko lela nda hala okuya. Ngame otandi yi mokafudho koshiwike shimwe. Onda hala wo okuya kOvenduka nohauto yuukilila, yo oyomuntu omwiinekelwa. Shaashi Ovenduka kandi yi shi lela nawa. Ando ta yi ko ye ta galuka ko meni lyoshiwike shimwe.

Nyanyukweni: Naye ogo ngaa omasiku a fa ta ka kala ko ngo.

Ndeshimona: Mee Nyanyukweni, ito kwatha ndje wo wu mu pulile ndje, opo a faalele ndje, ye ta galuka ko nangame?

Nyanyukweni: Eewa ntowele. Otandi shi ku ningile.

Ndeshimona: *(ti ipopile, sho Nyanyukweni a yi)* Andiya ndi lole nompito ndji. Ngele owa ka ponya, we ethele mwene.

Omukuluntu gwombaanga: *(sho a mono Ndeshimona e ya kuye mombelewa)*
Otandi ku kwathele shike Neshimona?

Ndeshimona: Tatekulu, onda yakula etumwalaka lyoluhodhi tali ziilile kOvenduka. Tatekulu gumwe gwombwiti a kala ko, ngu a landula meme mombunda, a mana oondjenda. Ongame nduno a kala a shangitha miinima ye ayihe.

Omukuluntu gwombaanga: Oshi li nawa ano. Ihe ngele owa ka mona wa patekena, Inaamu mana okupongolola iinima yeni konima yefumviko, dhengela ndje ashike ongodhi, wu tseyithile ndje, opo ndi kale ndi shi shi.

Ndeshimona: Osho te ningi lela, ngele onda ka mona itee piti methimbo lyoshiwike shoka shimwe.

Omukuluntu gwombaanga: Eewa. Olweendo nalu kale nawa, nando owu uka koosa. Sho wa tala oto mono ngaa oombesa mbala, sho kwa fa kwa toka ngawo? Nenge owa pumbwa wu thindikilwe kOshomeya, wu ka tale ngele oto adha mo oombesa dhimwe inaadhi za mo natango.

- Ndeshimona:** Onawa sho wa thiki tate. Onda hala wu thindikile ndje kegumbo meendelelo. Onda ya mokafudho komeendelelo. Onda hala ndi ye kOvenduka, opo ndi ka opalekithe oopasporta yandje ya piyagana. Pegumbo oto tegelele ndje, molwasho ote kala mo ashike oomminute mbali ngele odhindji. Opo nduno to fala ndje pegumbo lyomusamane ngu ta faalele ndje kOvenduka.
- Shatota:** Oshi li nawa meme, otandi ku tege ashike. Ngashingeyi ote hingilile ashike, na ite thikamene nando omufaalelwa gulwe. Oto ningi wu dhikale.
- Pombili:** (*sho omukadhi a thiki megumbo*) Wa galuka nale? Ando ongame nda yile ko, ando nongaampo omo ndi li momukweyo gombaanga.
- Nyanyukweni:** Onda yakulwa komukadhona ngu handi hokolola kutya oha yakula ndje mbala mombaanga.
- Pombili:** Omuntu ngono ho popi kandi mu shi tuu nande.
- Nyanyukweni:** Omukadhona ngono oNdeshimona. Oto mu tseyo wo nena, molwasho, ota yi aniwa mokafudho koshiwike shimwe nokwa hala nee okufaalelwa kOvenduka. Ngweye to zi ko ishewe naye.
- Pombili:** Owe mu lombwela ngaa kutya, ngame ote thikama potundi onti-11:00?
- Nyanyukweni:** Eeno, onde mu lombwela. Onda thigi nokuli a ka laleka, noku ka lombwela omuwiliki gwe kutya okwa mona ohauto yu ukilila kOvenduka.
- Ndeshimona:** (*Ndeshimona sho a thiki paandja Pombili*) Wa thiki nale meme Nyanyukweni? Inandi ka pita we kegumbo ngaashi kwa li nda ndhiladhila. Inima yandje onda adhika ndi yi na nale.
- Nyanyukweni:** (*Sho omusamane gwe e ya po*) Oye nduno Ndeshimona ngo he popi ha yakula ndje nawa mombaanga. Okwa hala wu mu faalele kOvenduka, ne tamu zi ko naye ishewe.
- Pombili:** Ooh! Ndeshimona ho popi oye ngunoo? Ohandi ya mo ngaa olundji mombaanga, ihe inandi ku tsakaneka nando onale.
- Ndeshimona:** Olundji ohandi longele unene moombelelwa dhomeni. Uuna tandi ya kosheelo, ongele ngaa ku na iinima ya kitakana, nenge nda mono ku na omuntu ndi mu shi, ngaashi meeNyanyukweni, e ya po ongula onene.
- Nyanyukweni:** Ndeshimona ntowele, tate Pombili oye ngoka. Ngweye tate ino ekelahi omunona. Ota ti, mOvenduka ke shi mo nawa. Mukwathela moompumbwe dhe adhihe.
- Pombili:** Ngiika kandi wete tapu ka kala uupyakadhi washa. Otandi ka kala nethimbo lya gwana. Oshigongi oshomasiku gaali ageke. Agehe ngeya galwe, onda manguluka.

- (a) Gandja iiningwanima **iyali** ye ku thigile ofogo sho wa lesha oshinyandwa shika ngoye to gandja omatompelo. [4]
- (b) Omunyandi guni tu ulike a yemateka nenge a geyitha aaleshi moshinyandwa shika nomolwashike to tile ngaaka? [4]
- (c) Gandja iitsa **iyali** tayi holola kutya omushangi woshinyandwa shika okwa hala oku tu longa shike? Shi koleka. [4]
- (d) Niitsa **ine** yelitha nkene omushangi e eta puuyelele oshitopolwa shopamahupilo moshinyandwahokololo shika **Inga**. [4]
- (e) Omushangi gwokambo haka okwe ku etela omaiuvo geni kombinga yameme Nyanyukweni? Shi koleka niitsa **itatu**. [4]
- [20]

NENGE

6 Okanona mondhikwa yemwanka ku A.T. Ndjembo

Hokolola nkene omushangi gokambo **Okanona mondhikwa yemwanka** a yelithile aaleshi kutya tate Muhongi okwa tsakaneka omashongo ogendji nankene a ungaunga nago.

Shi ninga niitya **250 – 300**. [20]

BLANK PAGE

BLANK PAGE

BLANK PAGE

